

Broj: UP2-05-13-4-54-5/21
Mostar, 10.09.2021. godine

Na osnovu člana 37. i člana 51. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 237. stav (2) Zakona o upravnom postupku („Službene novine Federacije BiH“ broj 2/98 i 48/99), te člana 65., člana 70. stav (2) i člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), kao i člana 24. Opštih uslova za isporuku električne energije („Službene novine Federacije BiH“ broj 89/14, 7/18 i 84/19), postupajući po žalbi na Rješenje broj: 03-5-29-10975/2021 od 28.04.2021. godine, koje je donijelo JP Elektroprivreda BiH d.d. – Sarajevo, Podružnica „Elektrodistribucija“ Tuzla, koja je dostavljena u FERK, preko JP Elektroprivreda BiH d.d. – Sarajevo, Podružnica „Elektrodistribucija“ Tuzla 24.05.2021. godine pod brojem UP2-05-13-4-54-1/21, podnosioca žalbe privrednog društva „Aditex“ d.o.o. za unutrašnju i spoljnu trgovinu iz Srebrenika, zastupanog po zakonskom zastupniku, Adnanu Džaniću, Regulatorna komisija za energiju u Federaciji Bosne i Hercegovine – FERK je, na XVIII redovnoj sjednici održanoj u Mostaru dana 10.09.2021. godine, donijela

R J E Š E N J E

1. Odbija se žalba privrednog društva „Aditex“ d.o.o. za unutrašnju i spoljnu trgovinu iz Srebrenika podnesena protiv Rješenje broj: 03-5-29-10975/2021 od 28.04.2021. godine, koje je donijelo JP Elektroprivreda BiH d.d. – Sarajevo, Podružnica „Elektrodistribucija“ Tuzla, kao neosnovana.
2. Ovo rješenje je konačno, te se dispozitiv ovog rješenja objavljuje na oglasnoj tabli i internet stranici FERK-a.

O b r a z l o ž e n j e

JP Elektroprivreda BiH d.d. – Sarajevo Podružnica „Elektrodistribucija“ Tuzla je u FERK 24.05.2021. godine pod brojem UP2-05-13-4-54-1/21 dostavilo žalbu privrednog društva „Aditex“ d.o.o. za unutrašnju i spoljnu trgovinu iz Srebrenika, zastupanog po zakonskom zastupniku, Adnanu Džaniću, na Rješenje broj: 03-5-29-10975/2021 od 28.04.2021. godine. Ista žalba je kod JP Elektroprivreda BiH d.d. – Sarajevo Podružnica „Elektrodistribucija“ Tuzla primljena 17.05.2021. godine.

Prvostepenim Rješenjem broj: 03-5-29-10975/2021 od 28.04.2021. godine odbijen je zahtjev za ponovno priključenje privremeno odjavljenog objekta na distributivnu mrežu, zbog prestanka važenja elektroenergetske saglasnosti.

Podnosilac žalbe u žalbi od 12.05.2021. godine ukazuje na pogrešne i neosnovane navode u obrazloženju donesenog Rješenja broj: 03-5-29-10975/2021 od 28.04.2021. godine. Navodi da je ispoštovao proceduru vezano za elektroenergetsku saglasnost broj: 209-262/13 izdatu dana 08.01.2013. godine, a u prilog tome navodi činjenicu da je za prijavu privremenog odjavljenog brojila dana 16.03.2016. godine izvršena uplata za to predviđenog iznosa naknade. Dalje navodi da nije primio obavezno Obavještenje broj: 03-5-42-30141/2020 od 30.12.2020. godine, a koje mu je naknadno JP Elektroprivreda BiH d.d. – Sarajevo Podružnica „Elektrodistribucija“ Tuzla dostavila,

samo kao kopiju uz doneseno rješenje. Podnosilac žalbe navodi da smatra da postoji osnovana sumnja za počinjenje elemenata krivičnog djela krivotvorenje isprave prema članu 373. stav 1. u vezi sa stavom 2. KZ FBiH. Konkretno u ovom slučaju vezano za dostavljeno obavještenje o prijemu pošiljke od 30.12.2020. godine, podnosilac žalbe navodi da su dopisivani datumi, kako ističe, navodnog zakonskog ispoštovanog roka, od tri puta dostavljenog obavještenja o prijemu pošiljke, gdje su umjesto na tri dostavljena obavještenja o prijemu pošiljke, dopisivani dodatni datumi na jednoj „obavijesti prijema pošiljke“. Takođe tvrdi da se radi o naknadno dopisivanom datumu 07.01.2021. godine i 15.01.2021. godine, te da će prethodno biti predmetom istrage nadležne institucije. Navodi i da se iz svega prethodnog može zaključiti da je neko imao namjeru da ošteti privredno društvo „Aditex“ d.o.o. za unutrašnju i spoljnu trgovinu za iznos koliko bi koštalo priključenje objekta, kao novog korisnika na elektro mrežu.

JP Elektroprivreda BiH d.d. – Sarajevo, Podružnica „Elektrodistribucija“ Tuzla u dopisu koji je u FERK primljen 24.05.2021. godine, pod brojem UP2-05-13-4-54-1/21, navodi da je dana 17.05.2021. godine primila Žalbu na doneseno rješenje broj 03-5-29-10975/2021 od 28.04.2021. godine, upućenu od strane privrednog društva „Aditex“ d.o.o. za unutrašnju i spoljnu trgovinu iz Srebrenika. JP Elektroprivreda BiH d.d. – Sarajevo, Podružnica „Elektrodistribucija“ Tuzla navodi da je razmotrila razloge za ulaganje navedene žalbe, te obzirom da je 30.04.2021. godine preuzeto Rješenje broj: 03-5-29-10975/2021 od 28.04.2021. godine, protiv kojeg je izjavljena žalba 17.05.2021. godine, Podružnica je utvrdila da je žalba blagovremena, dopuštena i izjavljena od ovlaštenog lica i da je neosnovana. Dalje navodi da je uvidom u dokumentaciju i bazu podataka Podružnice „Elektrodistribucija“ Tuzla, utvrđeno da je obračunsko mjerno mjesto broj: 7998252 registrovano pod šifrom 604M218052 na ime „Aditex“ d.o.o. na adresi Hasana Kikića bb, Srebrenik privremeno odjavljeno sa distributivne mreže dana 14.03.2016. godine. Takođe, da od naznačenog datuma, pa do obraćanja „Aditex“ d.o.o. u prostorije Podružnice „Elektrodistribucija“ Tuzla, Odjeljenje obračuna i naplate Srebrenik, dana 19.04.2021. godine, Podružnica „Elektrodistribucija“ Tuzla, nije primila zahtjev za aktiviranje priključka i prijavu potrošnje električne energije na navedenom obračunskom mjernom mjestu. Podružnica „Elektrodistribucija“ Tuzla, takođe, u svom dopisu navodi da, obzirom da je 14.03.2021. godine isticao rok od 60 mjeseci za ponovno priključenje predmetnog obračunskog mjernog mjesta, bez plaćanja naknade za priključenje, Podružnica „Elektrodistribucija“ Tuzla je blagovremeno putem BH pošte, dana 30.12.2020. godine uputila podnosiocu žalbe Obavještenje o isticanju roka privremene odjave broj: 03-5-42-30141/2020. Dana 14.03.2021. godine je istekao rok od pet godina od datuma odjave obračunskog mjernog mjesta broj: 7998252, nakon čega je Podružnica „Elektrodistribucija“ Tuzla, Poslovna jedinica distribucije Srebrenik donijela Rješenje o odbijanju zahtjeva za ponovno priključenje privremeno odjavljenog objekta na distributivnu mrežu zbog prestanka važenja izdate elektroenergetske saglasnosti.

Uz popratni dopis i žalbu JP Elektroprivreda BiH d.d. – Sarajevo Podružnica „Elektrodistribucija“ Tuzla dostavila je i kopije sljedeće dokumentacije:

- Zahtjeva za prijavu brojila od 21.04.2021. godine;
- Obavještenja broj: 03-5-42-30141/2020 od 30.12.2020. godine;
- Odgovora na Zahtjev broj: 03-5-12-10772/2021 od 27.04.2021. godine sa priložima;
- Rješenja broj: 03-5-29-10975/2021 od 28.04.2021. godine;
- Dopisa dostava Rješenja broj: 03-5-29-10976/2021 od 28.04.2021. godine;
- Dostavnice Rješenja (datum prijema 30.04.2021. godine);

Povodom primljene žalbe FERK je 24.08.2021. godine pod brojem UP2-05-13-4-54-2/21 uputio dopis JP Elektroprivreda BiH d.d. – Sarajevo Podružnica „Elektrodistribucija“ Tuzla u kojem je javnom preduzeću skrenuta pažnja da je članom 51. stav (3) Zakona o električnoj energiji

u Federaciji Bosne i Hercegovine propisano je da treća strana kojoj je odbijen pristup mreži ili je nezadovoljna uslovima za pristup, može podnijeti žalbu FERK-u. Takođe članom 24. Opštih uslova za isporuku električne energije propisano je da će FERK rješavati u drugom stepenu po žalbi podnosioca zahtjeva za izdavanje prethodne odnosno elektroenergetske saglasnosti, kome je odbijen pristup distributivnoj mreži ili je nezadovoljan uslovima za pristup distributivnoj mreži. U vezi sa navedenim, prvostepenom organu je skrenuta pažnja da uz dopis broj: 03-5-15-12779/2021 od 20.05.2021. godine, nije dostavljen dokumenat odjave potrošnje električne energije ili nalog za isključenje električne energije iz kojeg će biti vidljivo kada je predmetno mjerno mjesto isključeno sa distributivne mreže, te je zatraženo da se isto dostavi, odnosno da se dostavi cijeli spis predmeta, bez odgađanja, a najkasnije u roku od osam dana od dana prijema tog dopisa.

JP Elektroprivreda BiH d.d. – Sarajevo, Podružnica „Elektrodistribucija“ Tuzla u odgovoru na Zahtjev za informacijama, koji je u FERK primljen 06.09.2021. godine, pod brojem UP2-05-13-4-54-3/21 od 01.09.2021. godine. U odgovoru se navodi da je Podružnica „Elektrodistribucija“ Tuzla dana 27.08.2021. godine primila dopis broj: UP2-05-13-4-54-2/21, kojim je dostavljena žalba privrednog društva „Aditex“ d.o.o. za unutrašnju i spoljnu trgovinu na Rješenje broj: 03-5-29-10975/21 od 28.04.2021. godine, kojim je imenovanom odbijen zahtjev za ponovno priključenje privremeno odjavljnog/isključenog poslovnog objekta na distributivnu mrežu, zbog prestanka važenja elektroenergetske saglasnosti. Dalje se navodi da je obračunsko mjerno mjesto broj: 7998252 registrovano pod šifrom 604M218052 na ime „Aditex“ d.o.o. na adresi Hasana Kikića bb, Srebrenik, privremeno odjavljeno sa distributivne mreže dana 14.03.2021. godine. Od naznačenog datuma, pa do obraćanja kupca u prostorije Podružnice „Elektrodistribucija“ Tuzla, Odjeljenje obračuna i naplate Srebrenik dana 19.04.2021. godine, Podružnica „Elektrodistribucija“ Tuzla, nije primljen zahtjev za aktiviranje priključka i prijavu potrošnje električne energije na navedenom obračunskom mjestu. Podružnica „Elektrodistribucija“ Tuzla navodi da je podnosiocu žalbe blagovremeno uputila Obavještenje o isticanju roka privremene odjave, čime je ispunila svoju obavezu u skladu sa članom 6.stav (1) dd) Opštih uslova za isporuku električne energije, a dana 27.04.2021. godine i Odgovor broj 03-5-10772/21. Podružnica „Elektrodistribucija“ Tuzla dalje navodi da, obzirom da je dana 14.03.2021. godine istekao rok od pet godina od datuma odjave u kojem je krajnji kupac imao pravo da podnese zahtjev za priključenje obračunskog mjernog mjesta broj: 7998252 bez ponovnog plaćanja jednokratne naknade za priključenje, Podružnica „Elektrodistribucija“ Tuzla, Poslovna jedinica distribucije Srebrenik, je privrednom društvu „Aditex“ d.o.o. za unutrašnju i spoljnu trgovinu, dostavila Rješenje o odbijanju zahtjeva za ponovno priključenje privremeno odjavljenog stambenog objekta na distributivnu mrežu broj: 03-5-29-10975/2021 dana 28.04.2021. godine, zbog prestanka važenja izdate elektroenergetske saglasnosti. Navedeno Rješenje preuzeto je dana 30.04.2021. godine.

Uz popratni dopis i žalbu JP Elektroprivreda BiH d.d. – Sarajevo Podružnica „Elektrodistribucija“ Tuzla dostavila je i kopije sljedeće dokumentacije:

- Dopisa privrednog društva d.o.o. „Aditex“ za unutrašnju i spoljnu trgovinu broj: 03-5-46-10343/2021 od 21.04.2021.godine;
- Zahtjeva za privremeno isključenje sa distributivne mreže po zahtjevu krajnjeg kupca u trajanju od 60 mjeseci (Obrazac Z19), od 14.03.2021. godine;
- Naloga za isključenje i očitavanje krajnjeg kupca od 17.03.2016. godine i Naloga po izvršenom isključenju i očitavanju od 17.03.2021. godine;
- Izvoda iz Aplikacije za obračun električne energije (SOEE) – Odjava krajnjeg kupca „Aditex“ d.o.o. za unutrašnju i spoljnu trgovinu;
- Obavještenja o isticanju roka privremene odjave broj: 03-5-42-30141/2020 od 30.12.2020. godine;
- Obavještenja o prijemu/uručenju od 15.01.2021. godine;

- Odgovora Podružnice „Elektrodistribucija“ Tuzla broj: 03-5-12-10772/2021 od 27.04.2021. godine;
- Rješenja broj: 03-5-29-10975/2021 od 28.04.2021. godine, Dopisa – Dostava Rješenja broj: 03-5-29-10976/2021 od 28.03.2021. godine;
- Obavijesti o prijemu/uručenju pošiljke od 30.04.2021. godine;
- Dopisa privrednog društva. „Aditex“ d.o.o. za unutrašnju i spoljnu trgovinu 03-5-12337/21 od 17.05.2021. godine;
- Odgovora Podružnice „Elektrodistribucija“ Tuzla uz dopis broj: 03-5-15-12779/2021 od 20.05.2021. godine.

Podnosilac žalbe u dopisu, koji je u FERK primljena dana 09.09.2021. godine pod brojem: UP2-05-13-4-54-4/21, tvrdi da je privredno društvo d.o.o. „Aditex“ Srebrenik blagovremeno, u zakonskom roku, podnijelo putem pošte, dana 12.05.2021. godine, žalbu FERK-u, koji je formirao predmet 24.08.2021. godine pod brojem: UP2-05-13-4-54-2/21. Dalje, da je na osnovu donesenog akta FERK-a broj: UP2-05-13-4-54-2/21 od 24.08.2021. godine, a koji je podnosilac žalbe primio putem pošte, dana 31.08.2021. godine i u skladu sa istim postupio, te otklonio nedostatke naznačene u navedenom aktu, te dostavio, kako navodi, sljedeću potrebnu dokumentaciju:

- Zahtjev zaprijavu brojila od 21.04.2021. godine;
- Odgovor na zahtjev od strane podružnice „Elektrodistribucija“ Tuzla broj: 03-5-12-10772/2021 od 27.04.2021. godine;
- Prijava potrošnje električne energije, za mjerno mjesto broj: 7998252 pod šifrom 604M218052;
- Odjava potrošnje električne energije, za mjerno mjesto broj: 7998252 pod šifrom 604M218052.

Odredbom člana 7. Zakona o upravnom postupku propisano je da se u postupku mora utvrditi pravo stanje stvari i u tom cilju moraju se utvrditi sve činjenice koje su od značaja za donošenje zakonitog i pravilnog rješenja.

Nakon savjesne i brižljive ocjene svakog dokaza posebno i svih dokaza zajedno, FERK je utvrdio sljedeće:

Žalba nije osnovana.

U pobijanom Rješenju je navedeno da je dana 21.04.2021. godine, „Aditex“ d.o.o., Hasana Kikića bb, Srebrenik, podnijelo JP Elektroprivreda BiH d.d. – Sarajevo Podružnica „Elektrodistribucija“ Tuzla, zahtjev za ponovno priključenje privremeno odjavljenog/isključenog poslovnog objekta na distributivnu mrežu, koji se nalazi na lokaciji Grad Srebrenik, Bare bb., ali da je rok važenja Elektroenergetske saglasnosti broj: 209-262/13 izdate 08.01.2013. godine istekao, odnosno da je protekao rok od pet godina od dana privremene odjave/privremenog isključenja poslovnog objekta, zbog čega je u skladu sa članom 30. i članom 55. Opštih uslova za isporuku električne energije, odlučeno kao u dispozitivu.

Podnosilac žalbe ne pobija da je predmetno mjerno mjesto odjavljeno 14.03.2021. godine, nego kao razlog žalbe navodi da nije primio obavještenje o isteku roka privremene odjave, te smatra da postoji osnovana sumnja za počinjenje elemenata krivičnog djela krivotvorenje isprave u skladu sa članom 373. stav 1. i stav 2. KZ FBiH, vezano za dostavljeno obavještenje o prijemu pošiljke od 30.12.2020. godine, sa namjerom da se ošteti privredno društvo Aditex d.o.o. za unutrašnju i spoljnu trgovinu.

Odredbom člana 55. Opštih uslova za isporuku električne energije je propisano da objekat krajnjeg kupca može biti privremeno isključen sa distributivne mreže po zahtjevu za privremenu odjavu potrošnje ili zbog razloga propisanih ovim Opštim uslovima za obustavu isporuke električne energije. Za slučajeve iz stava (1) ovog člana privremeno isključenje sa distributivne mreže ne može trajati duže od pet godina za koje vrijeme priključak treba biti u beznaponskom stanju. U slučaju privremenog isključenja dužeg od pet godina, prestaje važiti izdata elektroenergetska saglasnost.

Takođe, odredbom člana 30. stav (5) Opštih uslova za isporuku električne energije je propisano da elektroenergetska saglasnost prestaje važiti u slučaju da je priključak krajnjeg kupca isključen sa distributivne mreže duže od pet godina.

Uvidom u Zahtjev za privremeno isključenje utvrđeno je da je isti podnesen od kupca Aditex d.o.o. za unutrašnju i spoljnu trgovinu 14.03.2021. godine. Iz dokumentacije je, takođe vidljivo da je Podružnica „Elektrodistribucija“ Tuzla blagovremeno, 30.12.2020. godine, putem BH pošte, uputila podnosiocu žalbe Obavještenje o isticanju roka privremene odjave broj: 03-5-42-30141/2020, dok je iz pečata pošte na obavještenju o prijemu/uručenju vidljivo da je dostava pokušana, odnosno vidljivo je da je primalac obaviješten ali da pošiljku nije podigao, nego je ista vraćena pošiljaocu kao neisporučena. Zbog navedenog FERK smatra ove navode podnosioca neosnovanim.

Vezano za navode podnosioca žalbe koji se odnose na sumnju da je počinjeno krivično djelo krivotvorenje isprave u skladu sa članom 373. stav 1. i stav 2. KZ FBiH, dopisivanjem datuma na obavještenju o prijemu pošiljke od 30.12.2020. godine, FERK, kao drugostepeni organ u upravnom postupku, nije nadležan da vrši ocjenu opravdanosti iznesenih navoda, niti su isti bitni za rješenje ove stvari obzirom se radi o dodatnim pokušajima dostave, a iz pečata pošte vidljivo da je dostava pokušana ali da primalac pošiljku nije podigao nego je ista vraćena pošiljaocu kao neisporučena. Podnosilac žalbe, ukoliko i dalje ostaje pri istim navodima, može pokrenuti postupak pred nadležnim organom.

Imajući u vidu da je predmetni objekat objavljen 14.03.2016. godine, to je rok privremene odjave potrošnje istekao 14.03.2021. godine. Dakle, Zahtjev za prijavu/ponovo priključenje brojala od 21.04.2021. godine je podnesen nakon isteka roka od pet godina.

Prvostepeni organ u uvodu pobijanog rješenja nije naveo odredbu propisa na osnovu kojeg donosi rješenje, već se uopšteno pozvao na Zakon o upravnom postupku i Opšte uslove za isporuku električne energije, međutim navedeni propust nije uticao na rješenje same stvari. Takođe obrazloženje pobijanog rješenja ne sadrži odredbe propisa, niti dokaze na osnovu kojih je utvrđeno činjenično stanje, međutim navedeni propusti su otklonjeni u ovom rješenju, i isti nisu uticali na rješenje same stvari.

Odredbom člana 237. stav (2) Zakona o upravnom postupku je propisano da će drugostepeni organ odbiti žalbu i kad utvrdi da je u prvostepenom postupku bilo nedostataka, ali da su oni takvi da nisu mogli uticati na rješenje stvari

Obzirom da je FERK kao drugostepeni organ utvrdio da je u prvostepenom postupku bilo nedostataka, ali da su oni takvi da nisu mogli uticati na rješenje stvari, FERK je odlučio odbiti žalbu privrednog društva „Aditex“ d.o.o. za unutrašnju i spoljnu trgovinu iz Srebrenika uloženu protiv Rješenja broj: 03-5-29-10975/2021 od 28.04.2021. godine.

U skladu sa članom 237. stav (2) Zakona o upravnom postupku i članom 37. Zakona o električnoj energiji u Federaciji Bosne i Hercegovine odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac žalbe može tužbom pokrenuti upravni spor kod Kantonalnog suda u Tuzli u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod nadležnog suda ili bilo kojeg drugog suda.

PREDSJEDNIK FERK-a
Jasmin Bešo

Dostaviti:

- JP Elektroprivreda Bosne i Hercegovine d.d. – Sarajevo, Podružnica „Elektrodistribucija“ Tuzla (poštom preporučeno uz dostavnicu)
- Privredno društvo „Aditex“ d.o.o. za unutrašnju i spoljnu trgovinu iz Srebrenika putem JP Elektroprivreda BiH d.d. – Sarajevo, Podružnica „Elektrodistribucija“ Tuzla (poštom preporučeno uz dostavnicu)
- Sektoru za pravne poslove